

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

34. Quomodo Peccatu[m] originis deleatur.

urn:nbn:de:hbz:466:1-14077

*Liber IIII.
disting.
part Marf.
1.9.19.4.5.
14.*

rea esse peccatorum minimum. Quia peccatum, inquit, originis est minus voluntarium, quam veniale, quod propria voluntate committitur. *Ca-* preclus distinguit, & ait, peccatum originis ratione poena, & effectus esse multo grauius, quam veniale, quia gratia, & charitate diuina hominem denudat, & priuat, eumque alienat, & avertit a Deo, ac perperu mancipat poenis: quibus malis fanè ingentibus peccatum veniale proflus est liberum, & immune. Si peccatum verò, ut voluntariū sumatur, veniale, inquit, est grauius, quam peccatum originis, quia est magis voluntarium. Sed quæstio est absolute, & simpliciter, virum eorum grauius, & deterius sit, peccatum ne originis an veniale? Respondeo, grauius esse peccatum originis, quia gratiam tollit, & animam mortem, & interitum affert, & hominem disfigit, & separat a Deo. *S*i R O G E S s an omnium parvulorum cum peccato originis decedentium sit æqualis poena futura? Respondeo, quosdam sensisse minimè & qualem futuram, sed maiorem minoremque, protulit facilius, aut difficultius ab eo peccato liberari potuerat; & proinde maiorem poenam futuram puerorum post Christi Euâgeliū absque sacra, & salutari baptismatis aqua morientium, quam eorum, qui ante Christum cum peccato originis perirent; quia illi facilius, quam hi potuerunt ab omni peccati contagione purgari. Sed communis est omnium sententia, & vera, omnium huiusmodi parvulorum æqualem esse poenam futuram. Ratio est, quia peccatum est vnum, & omnibus commune; ergo pena pariter æqualis, nec maior, minorve. *Marsi. 2. q. 19. 4. 5. Almai. tract. 3. me-*

ral. c. 29.

Cap. XXXIII.

Quomodo peccatum originis deleatur.

INTER Hæreticos nostri seculi quidam errores versantur, quos oportet cognitos habere, vi eos tanquam scopolos diuitemus.

Primus error Lutheranorum est dicentium, in renatis per baptismum non tolli peccatum originis, sed solum per Christum fieri, ut non amplius destinetur, deputetur ad culpam, & pœnam aeternam.

Secundus error est, Baptismate nequaquam deleri peccatum originis, sed radi, hoc est, minimi, & remitti ex parte; ita ut incipiat in hac vita extirpi, & auferri, nonquam tamē omni ex parte, nisi in futura euelli, ac tolli. Duo isti errores ex uno fundamento sanè debili nituntur: quod in renatis manent cupiditates, & motus carnis contrationem, hoc est motus appetitus animalis, qui rationem sapientie præcurrunt, & aliquando perturbant. Sed ex scripturis, inquit, præsertim ex Paulo, & ex Patribus, maximè Augustino perspicue didicimus concupiscentiam, & motus carnis contra rationem esse peccata. Præterea, Augustinus contra Pelagianos ait: Peccatum deleri, nihil aliud esse, quam, non imputari ad culpam: immo ipse scriptura eodem modo loquitur. Nam Augustinus. lib. i. de nupti. & concup. cap. 25. ait: peccatum quidem in baptismo remitti, non ut non sit, ut in peccatum non imputetur, & in Psalm. 31. legitur, Beatus vir, cui non imputauit Dominus peccatum. Ad huc Augustinus similiter docet peccatum origi-

nis non omnino tolli, nec aboliri, ita ut nunquam simus absque peccato. Nunquam enim Augustinus ait, in hac vita illud preceptum implenus, Non concupisces, sed ex parte nunc in hoc saculo, & post in futuro perfectè exequemur. Isti modi errores Concilium Tridentinum sessione sexta de peccato originis tali decreto damnavit: *S*i quis per gratiam, que in Baptismo confertur, reatum originis peccati remitti negat, aut etiam afferit non sibi id, quod veram, & propriam rationem peccati haberet, sed illud dicit tantummodo radi, aut non imputari, anathema sit. Hæc concilium: & August. lib. i. de nupti. & concup. cap. 25. non dixit, peccatum remitti, non ut non sit, sed ut non imputetur ad peccatum: Sed solum ait, concupiscentiam remitti in baptismino, non ut non sit, sed ut non imputetur ad peccatum. Ac licet scripture aliquando dicant, non imputari peccatum, frequenter tamen etiam aiunt, tolli, deleri, remitti, seu dimitti. Paulus præterea 1. Cor. 6. Renatos in Christo appellat mundatos, sanctificatos, ablutos, illuminatos, dilectos, & caros Deo. Nec non Augustinus perspicuus verbis contra Julianum lib. c. a. 7. docet peccatum originis omnino tolli, & deleri; ergo non raditur. Sic enim ibi dicit: Percepitur in baptismino Christiano perfecta nonitas, & perfecta sanitas ab eis malis omnibus, quibus eramus rei, non autem ab eis, cum quibus configendum est, ne simus rei. Hæc ille, & quod in lib. de perfecti, iusti, reffonsione n. docebat, nonquam nos esse absq[ue] peccato, quia nunquam in hac vita seruamus, & implenus duo illa precepta legis, diliges Deum ex toto corde tuo, &c. Non concupisces, intelligit, non quod per gratiam Dei peccatum non perfectè remittatur, sed quod semper manemus in malis, cum quibus est consigendum, nempe concupiscentijs.

Tertius est error Caluinistarum, afferentium per Baptismum in parvulis non tolli, quoniam ab eo mundantur hoc ipso solum, quod à p[ro]js, & fidibus parentibus progenieruntur, aut ex hoc, quod sicut singulari Dei beneficio ad caeleste regnum prædestinati, & proinde eorum baptisma non esse remedium ad peccatum originis delendum; conferri tamen ob id, quod sit Christi Domini preceptum, ut parvulus quoq[ue] ministretur. Purant enim isti filios parentum fidelium iam inde à mundo condito, à peccato originis mundari solum ex hoc, quod Deus eos peccatores non habet, quia ex fidibus parentibus oriantur. Quod probare contendunt ex capite 17. Genesios, vbi foedus percussit Deus cum Abrahamo dicens: Ego Deus tuus, & semini tui post te. Deinde ex Paulo 1. Corinthi. 7. vbi inquit: Sanctificata est mulier infidelis per virum fidem; alioquin filii vestri immundi essent, nunc autem sancti sunt. Postremo, quia nemo dat, quod non habet: sed parentes fideles sunt à peccato originis mundati; ergo illud non transmiserunt in filios. Contra istos decernit Tridentina Synodus, si quis negat parvulos baptizandos, etiam si fuerint à parentibus fidelibus orti, anathema sit. Eodem illud manifeste conuincit, & iugulat: Nisi quis renatus fuerit ex aqua, & Spiritu sancto, non potest intrare in regnum Dei.

Ad obiectiones veò Caluinianas respondere. Ad primam quidem, quæ sumpta est ex Genesio 17 capite, Ego Deus tuus, & quæ sequuntur, sententiam in eo loco scripturæ esse: Faciam, ut te mortuo posteri tui me colant tanquam verum Deum, & eos

*Matt. 28.**Ioan. 3.*

ego protegat singulari meæ prouidentia beneficio. Ad illud Pauli : Sanctificatus est vir infidelis per mulierem fidem, & reliq. Dicimus, ijs verbis docere Apostolum non esse matrimonium dissolutum, eo quod vno coniuge ad Christi fidem, & religionem conuerso, alter in sua impietate perfisteret absque villa in Christum Dominum iniuria; non enim vinculum coniugale ante contractum dispare religionis cultus dirimbat: hoc est vno ex coniugibus ad Christi fidem venient, non dissoluebatur coniugium, si coniux infidelis, & impius volebat absque omni in Christum iniuria, cum pio, & fidei coniuge viuere. c. gaudemus de diuina. & Theologi cum Magistro. 4.d. 39. nec est alia profectio Pauli mens, atque sententia eo in loco. Tunc enim apud quosdam Corinthios erat scrupulus, existimatus matrimonii vinculum solui religionis diuersitate, vno videlicet coniugium ad Christum conuerso, & altero infidelis manente. Quorum errorem corrigens Apostolus scribit non dirimi tale coniugium; ac ideo subdit haec verba : Sanctificata est mulier infidelis per virum fidem, quasi diceret, Ad vsum, habitationem, & congresum coniugalem: quia vxoris infidelitas vinculum matrimonij non tollit, addiditque, Alioquin filii vestri immundi essent, nunc autem sancti sunt vult dicere, Verè sancti sunt, ex legitimo matrimonio nati, nō autem immundi, quasi non legitimè suscepisti. Hic est germanus, & verus Pauli sensus, quem habent Chrysostomus, Theodoreetus, Theophylactus, Occumenius, Anselmus, Ambrosius, S. Thomas, & ex antecedentibus, & consequentibus facilè eritur. Licet non ignorem ea verba Apostoli in aliud sensum accipi à Teutullia. lib. 2. ad uxorem. Hieron. lib. 2. contra Iouin. & epist. 153. Augustin. lib. 2. de peccato. mer. & remissione. cap. 26.

Quartus error est quorundam arbitrantium, parvulos sine baptismate decedentes, post generale iudicium singulari Dei beneficio esse à peccato mundandos, & in callestem patriam recipiendos. Quem error manifeste arguit illud Christi Domini ad Nicodemum : Nisi quis renatus fuerit ex aqua, & spiritu sancto, non potest intrare in regnum Dei.

Porrò inter Catholicos sunt aliquot sententiae, aut omnino falsæ, aut minus saltem probabiles.

Prima est Caiet. 3.p. q. 58. art. 2. assertans parvulis natis, quibus Baptisma conferri non potest, sufficere, ut salvi sint, si signo Crucis, & inuocatio Trinitatis muniantur: quam sententiam Sotus in 4.d. 5.q. 5. art. 2. merito conuehit. Nam eius modi parvuli, aut certè, & definite salutem æternam consequentur, aut solum ex pietate, & liberalitate Dei. Primum dici nō potest, quia pugnat cum eo, quod Christus ait : Nisi quis renatus fuerit ex aqua, & spiritu sancto. Secundum quia oque dici nequit: quia de Dei pietate, & liberalitate nihil certi diuinare possumus in ijs, quia sunt ad vitam sempiternam necessaria, nisi imitamus scripturam, traditionem, vel decretum Ecclesie, aut Patrum testimonijs, aut saltem certa, & firma ratione.

Secunda sententia est eiusdem Caietani affinitatis idem de infantibus, qui in utero matris conclusi, si vita periclitentur, salvi, inquit, erunt si nomine Trinitatis inuocati, & signo Crucis manu teceffent.

rius. Quam etiam sententiam, ut temerariam refellit Sotus loco citato, eam tamen aliquos habuisse, testatur Richard. 4.d. 4.s. q. 3.

Tertia est sententia Magistri in 4. dist. 1. vbi inquit: olim in Circumcisione celebatur peccatum originis; sed gratia adoptionis minimè conserebatur. Quæ sententia comuni Scholasticorum consensu refutatur, & meritò, quia priuatio non tollitur, nisi per formam contrariam. Magistrum sequuta est glossa in e. quod autem, de conse. d. 4.

Quarta sententia est afferentium: In circumcisione, nec gratiam conferri, nec peccatum originis deleri: quia Circumcisio erat tantummodo signum externum, quo Iudei à gentibus distinguabantur. Quod probare se putant ex Paulo, qui eam appellat signaculum fidei, & iustitiae accepte: tum etiam ex P. tribus, qui videntur innuere, eam esse diuinitus institutam ad populum Dei distinguendum à Gentibus. Sed enim hæc opinio nequam est recipienda: pugnat enim cum rota Theologorū schola, & cum Augustino, Gregorio, & Beda, qui planis, ac perspicuis verbis tradiderunt, circumcisio olim à peccato mundatos parvulos. Magist. & Theologi 4.d. 1. Augst. lib. 2. de nupt. cap. 11. ex quo instituta est circumcisio in populo Dei, quæ erat tunc signaculum iustitiae fidei, ad significandum pugnantes valebat parvulus originalis veterisque pacifici, & baptizatus ex illo valere caput ad mutationem hominis, ex quo instituta est. & Greg. lib. 4. mor. ca. 2. & habetur de conse. d. 4.c. quod autem. quod autem apud nos, vale aqua baptismatis, hoc egit apud veteres, vel pro parvulis sola fides, vel pro maiorum virtus sacrificij, & pro ijs, qui de Abraham stirpe prodierunt, mysterium circumcisio. Beda in Luc. 2. idem salutifer curatius auxiliari circumcisio in lege centra originalis peccati vulnus agebat, quod baptizatus agere renelare gratia tempore confirmationis. cap. 26.

Quintus error est quorundam arbitrantium, parvulos sine baptismate decedentes, post generale iudicium singulari Dei beneficio esse à peccato mundandos, & in callestem patriam recipiendos. Quem error manifeste arguit illud Christi Domini ad Nicodemum : Nisi quis renatus fuerit ex aqua, & spiritu sancto, non potest intrare in regnum Dei. Nec non & Innocentius Tertius in c. Matores de Baptismo, & eius effectu, culpa, inquit, originalis per Circumcisitionem nostrum delevatur: quasi dicat: tollebatur per circumcisicionem, tanquam per mysticum rerum fuarum signum. Et quamvis inter Theologos duæ sint sententiae; vna, quæ affirmat Circumcisitionem vim habuisse ex institutione diuina tollendi peccatum: altera quæ tribuit eam vim fidei in Christum venturam, quam explicitè, vel implicitè profitebantur, qui circumcidabantur in adultate, vel ijs, qui parvulos circumcidabant: omnes tamen conueniunt in eo, ut dicant fusile saltem signo diuinitus institutum, quo ministri circuncisionis, scilicet Christi venturi profitebatur expresse, vel tacite, quæ fide, & Christi meritis gratia ex circumcisione suscipiebatur, & à peccato originis purgabatur.

Quinta est sententia aliorum quorundam discentium, ante tempora scriptæ legis nullum sufficiat à Deo institutum remedium, quo peccatum originis parvulus remitteretur, & eos toto eodem tempore fusile omni remedio ad id peccati delictum planè destitutos. Quæ similiiter opinio nullo modo mihi videtur probabilis; primò, quoniam aduerteratur Aug. lib. 5. contra Iulian. c. 9. vbi ait. Nec id est men credendum est, & ante diuans circumcisitionem famulos Dei, quando quidem eis in rebus mediatoribus suis in carnis uesti, nullo sacramento eius optimis avos frustis parvulus fuit, quamvis quid illud esset, aliqua necessaria causa scriptura letere

Ioan. 3.

Ibidem.

latere voluerit: nam & sacrificia eorum legimus, quibus
nigra sanguis ille figurabatur, qui solus tollit peccata mun-
di. Aperte etiam legis tam tempore nascentibus parvulis
offerentur sacrificia pro peccatis. Hoc Augustinus. S.
Thom. p.3 q.7 o. ar.4. ad 2. ait, probabile est, quod paren-
tes fideles pro parvulis natis, & maximè in periculo existen-
tibus aliquas preces Deo sanderent, vel aliquam benedictio-
nem eis adhiberent, quod erat quoddam signaculum fidei,
sicut adulti pro seipso preceret, & sacrificia offerebant: sic il-
le. Secundo, quia cum omnium Theologorum
sententia aperte pugnat. Tertiò etiam, quia nul-
la auctoritate, aut ratione comprobatur: & cer-
te verisimile nō est, tanto tempore, diuinam pro-
videntiam tam humanae salutis amantem, par-
vulis subfidiū ad vitam æternam necessarium
denegasse. Erat igitur Sacramentum, quo parvuli
li à peccato originis mundabantur: sed quodnam
fuerit, & an vnum certum, & definitum fuerit,
ignoramus, ut dixit Augustinus. Obijcies, nihil
constare de remedio ad peccatum originis delē-
dum, ante legem Circumcisionis. Item, toto eo
tempore homines lege tantummodo naturali re-
gebantur, & gubernabantur, ergo nullum erat
Sacramentum externum, hoc enim non potest,
nisi lege diuina constitui. Respondeo, id tempo-
ris quidem non legimus suisse ex lege diuina ali-
quod certum, & definitum signum externum; sed
fuit, & Deus pro sua benignitate, quibus voluit,
gratis, & liberaliter parvibus patefecit, signum
fidei, & religionis Sacramentum, quo infantes
munirent, ut eos à peccato originis mundarent.
At oppones, inde cœcludi, post Christum natum,
aditum in cœlum difficultiorem esse redditum, &
deterioris cōditionis nunc pueros esse: Siquidem
ante Circumcisionem institutam, salui esse poter-
ant his illius symbolis adhibitis, cum tamen
nunc non si baptisatae suscepissent. Relpō-
do, non esse viam salutis factam difficultiorem
parvulis, quia tunc erat etiam certa lex diuinus
lata, de remedio salutis parvolorum, sed nō scrip-
to, ac per traditionem à Majoribus accepta, &
quibus volebat Deus, eam viam, & rationem de-
lendi peccati patefaciebat: erat igitur remedium
salutis, quod è traditione Majorum, non è certa
scripta lege hominibus iunctum. At verò nunc
instituta est lex certa, & in terrarū orbe promul-
gata, quod verò non omnes eam norint, id ex ac-
cidenti est: præsertim cum Deus possit etiam in-
terius, quibus ipse voluerit, inspirare, & patefa-
cere baptismum esse necessarium ad salutem. Pa-
ri ratione post legem Circumcisionis latam, re-
medium cōtra peccatum originis in feminis par-
vulis, & in masculis infantibus ante octauum di-
em, certum & definitum ex scripta lege, nullum
erat: parvuli enim ante octauum diem circunci-
di non poterant, quare siue mares, siue foemine
salvi fiebant eo symbolo fidei, & iustitiae, de quo
parentes, vel traditione Majorum, vel Dei insti-
tu, & afflato facti erant certiores.

Sexta opinio est aliorum purantium, tem-
pore ante circumcisionem institutam, parvulos
à peccato originis mundari solitos ex eo solum,
quod piorum parentum filij essent, & ex pīs pa-
rentibus nascerentur: hoc enim erat fide parentum
filios fieri. Communi rāmen doctrina
Scholasticorum repugnat, qui docent fide pa-

rentum parvulos salvare, quatenus ea fides ali-
quo actū externo referebatur, & dirigebatur in
parvulos.

Septima sententia fuit aliorum, qui docue-
runt, ante Circumcisionis legem infantes à pecca-
to originis purgari sola interiori parentum fide,
nullo signo exterius adhibito, quod probat, quia
Gregorius libr. 4. mora. cap. 2. aperte scripsit, tunc
temporis adultos Sacramentis, vel sacrificijs à
peccato mundari, parvulos verò sola parentum
fide, Sic Sot. 4. dist. 2. quest. 1. artic. 4. S. Thom. 4. dist. 1.
quest. 2. art. 3. ad 2. Richard. 4. dist. 1. art. 5. quest. 3. Ma-
gist. 4. dist. 1. At communior est inter Theologos
Scholasticos opinio, non sola fide interiori pa-
rentum parvulos à peccato liberatos fuisse; sed
aliquo eriam Symbolo externo accidente, quo
parvēs suam fidem profitebantur exterius. Cum
autem Gregorius ait, sola fide, minimè excludit
symbolum exterius; sed quod de adultis antea
dixerat, nimirum sacramenta, & sacrificia. Si-
gnū enim, quod exterius assumebatur, non qua-
tenus sacramentum virtute sua; sed quatenus fi-
dei symbolū & signū erat, peccatum originale
delebat. Sic Alexand. part. 4. q. 2. m. 5. art. 1. Scot. 4. d.
1. q. 7. Dur. 4. d. 1. q. 8. Palud. 4. d. 1. q. 5. art. 5. Gab. 4. d. 1.
q. 2. art. 3. Mai. 4. d. 1. q. 4. §. contra 1. consilione.

Octaua sententia est aliorū auctiūm, parvulis
per baptismum, gratiam, & virtutes minimè in-
fundit, tolli tamen peccatum originis, aiunt enim
isti, virtutes esse habitus ad operandum infusos,
& idēc infantibus non conferri, cum adhuc per
actatem operari nequeant: concedi tamen gratiā,
per quam, à peccato originis mundentur. Quae
sententia, ut dubia, inter Theologos relictā est in
Concilio Lateranensi sub Innocencio tertio, ut
constat ex ea. *Maiores de baptismo, & eius effectu.* Postea
verò in Concilio Vienensis sub Clemente Quinto,
ut habetur in *Clementina Fidei Catholice, de summa*
Trinitate, & Fide Catholica, tanquam probabilior, &
dictis Sanctorum magis consentanea recepta est
opinio, quæ affirmat, parvulis in Baptismate in-
fundit gratiam, & virtutes. Tandem in Concilio
Tridentino sej. 6. can. 10. decretum est, multi do-
cent gratiam, & virtutes infundi. Si quis, inquit,
dixerit hominem iustificari per solam imputationem iusti-
tiae, vel per solam peccatorum remissionem excusa gratia,
& charitate, que in cordib⁹ eorum per spiritum sanctum
infundatur, & que illis inhereat, anathema sit. Sed par-
vulis non infunditur charitatis actus, ergo habi-
tus qui est virtus ad agendum: quam virtutem,
non puto, eos Theologos (de quibus sit mentio
in Concilio Lateranensi, & Viennensi) infundi
negant, quia fatebantur gratiam conferri. Ex-
stimabant autem gratiam, & charitatem esse eundem
habitum. Solū igitur diffitebantur infun-
di virtutes morales, & fidem, & spem; de quibus
in parvulis, nihil Concilium Tridentinum defini-
niuit, quānus ut testatur S. Thom. pari. 3. quest. 6. 9.
art. 6. fallsum omnino sit, parvulos per baptismum
non consequi gratiam, & virtutes. Sic quidam
philosophantur. Sed meo iudicio hoc post Con-
cil. Trident. teneri non potest, quia leis. 6. cap. 7.
art. 7. dicitur in ipsa iustificatione cum remissione peccatorum,
hec omnia simul in una accipit homo per Iesum Christum,
qui inheritur fidem, spem, & charitatem. Vera tandem
sententia hæc est, per Baptisma, parvulis gratiam,

& charitatem, fidem, & spem infundi, & per gratiam, & charitatem proximèos à peccato originis mundari. Potest etiam peccatum originis in adultis vñà cum lethali deleri, vel per Baptismū, vel interdum etiam per cordis poenitentiam, vel per martyrium, aut verum, & feruentem charitatis actum cum voto explicito, vel implicito baptismatis, vt colligitur ex S.Thom. pars. 3. quest. 69. art. 4. ad 2.

Secundò quæritur, An potestate Dei absoluta possit peccatum originis tolli sine gratia, & quo cunque alio dono infuso, quod nobis inhæreat? De hac cōtroversia, quoniam septimo libro tractabo id è præsentia nihil dicam, ne idem bis dispetum.

Tertiò quæritur, Quomodo Beatissima Virgo fuerit à peccato originis seruata, ne vñquam caderet? In hac questione illud minimè explicare conabor, fuerit ne illa absque originis labore concepta, cum hæc res ad præsentem locum minus facere videatur? Sed hoc vno posito, eam fuisse circa peccatum originale conceptam, modum, & rationem inquiram, qua id factum sit: nam questionem mouet, quid repugnantia quædam appareat in eo, quod fuerit sine huiusmodi peccato concepta: hæc nempè: Nam primo temporis momento, quo est concepta, erat filia Adæ communī generatione propagata: ita vt prius naturæ ordine fuerit Adæ filia, nimirum natura ab Adamo suscepit, ergo eo temporis puncto peccatum contraxit, quoniam eo temporis articulo erat per naturam Adæ filia, & ex natura gratiam vtique non habebat, ergo erat gratia priuata, ac proindè cum peccato concepta. Quidam eam seruatam esse à peccato quoniam illud contraheret, contendunt in hunc modum: Animam eius aatequam infunderetur in corpus, fuisse à Deo creatam vñà cum gratia, & sanctitate: quod fundamentum certè nequit omnino confondere. Quippè cuiuslibet hominis anima, eodem temporis puncto quo creatur, in corpus infunditur; nec enim prius creatur, quam infundatur. Secundo, alij volunt esse seruatam B. Virginem hoc modo: aint enim carnem eius mundatam fuisse ab omni peccati originalis labo, ac macula, antequam in eam infunderetur anima, & proindè animam in eius corpus infasam, nulla carnis contagione pollutam fuisse. Tertiò, alij dicunt carnem eius in parentibus suis fuisse purgatam ab omni peccati corruptione, priusquam in matris utero conciperetur. Sed horum fundamentum innititur illi sententia, que ponit morbidam qualitatem tum in carne, tum in anima, ex peccato Adæ deriuatam in posteris, quam ex communī Theologorū consensu iam supra reieci. Quartò opinantur alij, sic eam fuisse absque peccato conceptam, quia, quando peccauit Adamus, & in illo pariter nos omnes, Deus singulari beneficio prouidit, ne Beatissima Virgo in illo peccaret. Sed nec fundamentum hoc satis firmum, & solidum est, quia in Adamo non peccauimus actu, & voluntate propria, cum nati nondum essemus, sed voluntate corporis, & originis, in quo capite omnes posteri continabantur. Deinde, quia in eo suscepimus quidem peccatum, sed tanquam in semine, causa, &

origine: postea verò cum concipimus communī generatione ab Adamo procreati, singuli propriū peccatum contrahimus: ac proindè tunc cum quis communi lege concipitur, aut diuino munere & beneficio seruatur, ne in peccatum incurat, aut fecus, non ante. Catharinus, & quidam alij senferunt Sanctiif. Virg. in Adamo non peccasse, quia tunc, quum ille peccauit, ea est ab eo peccato singulari Dei munere seruata, ne cadet. Quam sententiam, quatenus docet Virg. in Adamo non peccasse, alij ut temerariam reiiciunt, nam si minimè in Adamo peccauit, non indiguit redemptione facta per Christum, quod cum scripturis non conuenit: nam teste Paulos, cui in Adamo omnes moriuntur; ita omnes in Christo vivificantur: Item, Christus pro omnibus mortuis est, ergo omnes mortui erant in Adamo. Deinde, sacra Virgo ex Adamo poenam mortis corporalis suscepit, ac traxit, ergo in eo etiam peccauit: nam si ab eo poenam peccati traxit, consequtitur, vt in eo peccauerit, cum mors Adæ peccatum viri causam, & originem consequtatur. Dicer fortassis Catharinus voluit, in Adamo Deiparam non peccasse, quia tunc singulari Christi venturi merito seruata est, ne cum Adamo cadente consideret alioqui casura, cum esset ex eo communī legē propaganda: nam Deus cum primum hominem procreauit, ea lege, & pacto, teste Catharinus, cum iustitia, & gratia condidit, vt si peccasset, eam sibi ac posteris amisisset, alioqui sibi, & posteris retinuerit: tunc ab ea lege, quod ad peccatum spectat, Sanctissimam Virginem exceptit, ne in Adamo peccare peccaret: & quoniam in eo non peccauerit, quia tamen erat alioqui peccatura, nisi seruaretur diuinitus, & ab ea lege eximeretur; idè est verè redempta per Christum, cuius meritū est diuinitus ab ea lege excepta, & seruata ē casu, & ruina peccati: & pro ea mortua est Christus, vt seruaretur, ne caderet: & quia erat alioqui cum Adamo ruitur, idè corporis mortem ab eo traxit, quoniam est quidem à peccato, diuino beneficio seruata, sed non ab omni peccati poena. Nihil video, quod nos id afferere, & cum Catharino sentire cogat. Caietanus Apostoli verba: omnes in Adamo peccaverunt, sic intelligit, non quid omnes ab eo peccatum traxerint, sed quid necessitatim incurriendi in peccatum suscepérunt: ac proinde ex Apostolo non habemus Deiparam ex Adamo peccatum traxisse, sed necessitatē trahendi peccatum. Alij quoque hanc Caietani sententiam, ut temerariam confutant: nam alioqui certa fide non crederetur hunc, aut alium ex Adamo peccatum traxisse, si tantum Apostolus significare vule omnes ex eo necessitatē contrahendi peccatum suscepisse, non peccatum traxisse. Fortassis voluit Caietanus afferere, sententiam Apostoli fuisse, omnes ex Adamo peccatum originis trahere, nisi qui singulari Dei priuilegio seruatur: is enim non peccatum, sed necessitatē incidenti in peccatum trahit, hoc autem priuilegium non habet nisi is, cui tale beneficium esse concessum, Patrum auctoritas, vel Ecclesiæ testimonii probauerit. Quare vera sententia est, quam explicat Gabr. 2.4.50. quest. 1. art. 2. conclus. 1. eam esse seruatam à peccato originis, quia in ipso primo tempore smo-

poris momento, quo est concepta, fuit vna cum gratia, & sanctitate: gratia autem simili cum peccato originis esse non potest, nullum igitur temporis punctum intercessit, quo Beatissima Virgo fuerit sine gratia, iustitia, & sanctitate. Obijcies, eo temporis momento erat naturalis filia Adæ, ergo peccato infecta. Respondeo, futura erat proculdubio vna cum peccato, nisi Dei gratia, & sanctitate repleretur. Deinde oppones; prius ordine naturæ, & generationis traxit ex Adamo naturam, & ex naturæ conditione gratiam non habebat, ergo suscepit naturam gratia denudatam. Respondeo, negari non posse, quin natura humana prius ordine generationis existat, quam gratiam suscipiat, aut habeat; sed in eo temporis momento non habet, nisi quæ ipsi naturaliter conueniunt, & proinde nec gratiam habet ex se, nec peccatum, sed solum naturæ dotes, vires, facultates, & conditiones; alioquin enim gratia esset, aut peccatum ex natura. Cum deinde conciditur, ergo tunc erat B. Virgo gratia priuata; id nego, quia ea ratione natura humana suscepit, licet ex se sine gratia sit, priuata tamen gratia non est; quoniam natura sicut ex se gratiam non habet, ita nec eam ex se habere debet. Et cum obijcitur, Erat filia Adæ, ergo gratia priuata, quam habere deberet. Respondeo, solum inde colligi, ex vi conceptionis fore eam peccatum originis contracturam, nisi seruaret per acceptam à Deo gratiam, & sanctitatem. Et proinde differt Beatissima Virgo ab eo, qui à solo Deo creatur: hic enim homo ex vi, & conditione, qua incepit esse in rerum natura, peccatum contrahere non potest; quod quidem peccatum haud dubiè Virgo suscepisset, nisi gratia præueniens obstat. Item obijcies, cum Apostolo dicentes: *In Adam omnes peccaverunt.* Respondeo, omnes homines ex vi conceptionis peccatum originis contrahere, nisi diuinus seruerunt. Vnde omnes peccaverunt, quia omnes ex eo suscipiunt, & trahunt peccatum, vel saltem ipsa generatione communi contraherent, nisi essent diuina gratia, & charitate donati. Demum oppones, Quoniam igitur modo Beatissima Virgo fuit redempta per Christum, si expers, & immuni peccati originis fuit? Respondeo illam indiguisse redempcionem, quia contra tria omnino erat hoc peccatum; at fuisse liberaliter redemptam eximo Christi Domini beneficio, quia fuit singulari Dei gratia, & charitate exornata, antequam peccatum originale contraheret. Ac de hac quidem questione hac dicta sufficiant.

(:



JOANNIS AZO-

RII LORCITANI, E SO-

CIENTATE IESV,

INSTITUTIO-

NVM MORALIVM,

LIBER V.

DE LEGIBVS ET CON-

stitutionibus.

LEGBVS cinitates, & populis gubernantur, actiones humanae diriguntur; quibus aut permituntur, aut puniuntur, aut imperantur, aut vetantur: Et ideo de ipsis disputare nos oportet; cum lex sit certa quedam norma, & regula rerum agendarum, fundamentum libertatis, fons, mens, & consilium equitatis. Ac primum de lege Humana, postea vero de Naturali, ac Divina breviter differemus.

CAPVT PRIMVM.

Vnde Lex dicitur, & quid sit.

ANI MA D VERTENDVM est in Iure Canonico extare Titulum de Constitutionibus, qui est secundus ordinè in Decretalibus, & in Sexto: & in Digestis libro primo Taulus tertius est de Legibus, & Senatus consulis; & Titulus quartus de Constitutionibus principum, & in Codice lib. I. Titulus 17. est de Legibus, & Constitutionibus. Theologi in Tertio distinctione 37. pauca quedam de Legibus tradiderunt, de quibus tamen S. Thomas vberius, & fuisse disputauit. 1.2.2. quest. 90. usque ad 108.

Primum queritur, Vnde sit dicta Lex? Respondeo dictam esse latine iuxta quorundam sententiam à legendō, hoc est, deligendo: nam verbum legendi significat etiam teste Varrone diligere; eo quod lex sit certa norma, & regula diligendi rectum; vel quod sit multorum consultatione, & cōfessione delecta: Vel quod ex multis, quæ possent constitui, vna lex sit ad id, quod factò opus est, delecta. Nam, ut ait Cicero, lex est recti preceptio, pranique deputatio: eo quod recta diligatur, contrariaque rejiciatur. Ut alii volunt, lex dicta est à legendō, eo quod sit scripto tradita, ut nota sit omnibus, & ab omnibz obseruata. Leges enim tabulis incisa parieti affigebantur, ut a populo legerentur. Secundum alios, lex dicta est à ligando, eo quod is, qui legem fert, subiectos ita obstringat, ut agere cogat iuxta id, quod sua lego constituit: nam lego condita populi tenentur. Græcè lex dicitur νόμος τὸν μην, quod est, tribuere, ut inquit

*Var. lib. 5.
diligere lat.*

*Cic. libr. 2.
de natura
Deorum.
Ibid. libr. 5.
Ethym. ca.
3. &c. lex.
dicta.*

*Cic. libr. 1.
de legib.*

Cicero,